

上元縣志



地 220.1  
3K  
=13



上元縣志卷二十五 列女

列女

南北朝王氏太尉長史誕女適袁氏生粲而其父幸  
粲尚幼孤寒無依王紡績以供朝夕粲嘗以事忤  
宋孝武坐徵下獄王候孝武出負磚叩頭因至傷  
目粲疾王憂念特甚夢粲父曰愍孫疾無憂將爲  
國器但恐富貴終當傾滅耳及粲貴王恒以夢言  
爲戒粲因自損抑後因討蕭道成死於石頭城  
魏氏王僧辯母性和順僧辯以事下獄魏徒行謝罪  
詣貞惠世子自陳詞旨哀切世子爲改容及僧辯

上元縣志

卷二十五

列女

得釋魏徒在也以忠孝後僧辯殄滅侯景克復舊都  
魏恒以謙抑爲戒卒謚貞敬

唐謝小娥魏註估客女也適歷陽段居貞父與居貞  
爲湖盜所殺時小娥亦在舟中幸不死流轉乞食  
至上元依妙果寺尼淨悟夢其父謂曰殺我者車  
中猴門東草又夢其夫謂曰殺我者禾中走一日  
夫問人人莫解元和八年隴西李公佐舟泊建業  
登瓦官寺閣寺僧語及公佐聞之曰若然者吾詳  
之矣車字去上下畫申字也申屬猴故曰車中猴  
草下有門門中有東乃蘭也又禾中走是穿田過





亦申字也一日夫者春字也當爲申蘭申春二人  
趣小娥至告之小娥慟哭辭去歲餘至潯陽易男  
子服爲人傭問其主乃申蘭也春卽蘭族昆季每  
出門剽留小娥居守一夕蘭與春會羣盜酣飲盜  
去春卧內室蘭露寢於庭小娥乃抽佩刀先斷蘭  
首呼鄰人俱至擒春于內獲贓貨無算潯陽太守  
張善表之小娥祝髮入山中

宋趙定母金陵人通詩書常聚生徒數十人張帷講  
說儒碩登門質疑必引與之坐開發奧義咸出意  
表景德二年子定登第授海陵從事訓曰無飾虛  
上元縣志

卷二十五

列女

二

以沽名無事佞以奉上處內在盡禮居外在活民  
識者以爲名言

王氏劉虎妻虎爲觀察使自廬州徙居建康拒元兵  
于五河中矢洞腹而死王守志五十餘年子裕爲  
監稅官僅弱冠死妻郝氏守志五十三年孫應麟  
妻亦郝氏應麟歿事二姑四十餘年時稱三世守  
節

蓮綠雲趙淮妾淮被執二妾相從渡江淮死元帥  
欲絀之二妾請先葬淮擇吉以從元帥許之令二  
卒隨之至江干焚淮骨置器中操小舟至中流抱



持投水死

元王氏闕文興妻建康人文興從軍漳州爲萬戶府  
知事王與俱行至元十七年陳弔眼作亂攻漳州  
文興率兵與戰死之王氏被掠義不受辱給賊曰  
俟吾葬夫卽汝從也賊許之負屍還積薪焚之火  
旣熾卽自投火死事聞贈文興侯爵謚曰英烈王  
氏曰貞烈夫人有司立廟祀之號雙節云  
周氏李成妻年二十喪夫家貧守節奉姑方氏盡孝  
天歷二年部擬旌其門

吳氏劉英傑妻宋知縣季申女年二十三喪夫子慶  
上元縣志

卷二十五

列女

三

孫端口等在襁褓誓不他適孝事舅姑教子皆爲  
儒年七十餘元統三年部擬旌門復其家

周氏張宜妻年二十二喪夫守志二十載一子復喪  
孫二人皆幼子婦樊氏奉姑亦守節不嫁周氏年  
七十餘大德十一年部擬旌門復其家

楊氏王元壽妻元壽爲沿江制置司計議官死于難  
氏年二十守節教子招孫官溧水州知州建孫任  
龍興路富州判官楊氏封上元縣君大德五年部  
擬旌其門

馬氏劉祐妻山東人寓居府城西隅清化坊年二十



九喪夫終身績經以養舅姑年五十餘至元五年  
部擬旌門

衡氏趙宗澤妻少有志操時汝穎兵起攻陷建康衡  
與趙棟妻夏氏趙楷妻劉氏俱誓不受辱沈水死  
時號三烈

明楊氏金陵民家女事安陸侯吳復為妾復守黔陽  
以疾卒楊自縊以殉事聞太祖親降手勅封貞烈  
夫人

王氏江東人都指揮陳忠妻忠守交趾黎賊叛忠戰  
死王年二十三携二女登竹筏出交趾東海城進  
上元縣志

卷二十五 列女

海門浮屠賊黨收忠屍斂之浮海間關扶柩歸葬  
所居後紡績貧生卒與忠合葬焉

狄氏吳縣三以材妻明初平蘇州籍其土材例當徙  
以材畏怯竄身亂兵間不知所終狄生子甫六月  
災熒無依徙居金陵攻苦食勤績織為生四十餘  
年教子就學敦孝篤行稱安節處士三傳為襄敏  
公遂大其家

俞氏張五妻年二十七夫故守節終身永樂間旌

胡氏李福保妻年二十四夫故守節終身永樂間旌

余氏楊祖壽妻洪武二年祖壽征鳳翔等處陣亡余



年二十七守節永樂間旌

薄氏蘇官福妻年二十八夫故守節終身

鄭氏王留兒妻洪武二十八年留兒征廣西陣亡鄭年二十四誓不再適養姑楊氏終身

王氏田二妻夫亡守節三十餘年

龔氏黃受公妻受公運糧德州病卒守節三十餘年

汪氏陳安兒妻安兒運糧德州病卒汪年二十餘歲守節終身

仲氏陳忠妻年二十七夫故守節撫孤壽至八十餘卒

上元縣志

卷二十五

列女

五

顧氏奚善才妻年二十夫故守節終身

吳氏陳保兒妻年二十九夫故守節終

楊氏神策衛人夫劉受征太原陣亡守節

倪氏劉留住妻年二十六夫故守節

以上俱宣德間奉旨旌表

柴氏庠生汪宗妻宗病危氏晝夜侍湯藥請以死殉

垂革手治殮具先宗投繯死

武定橋烈婦失姓名文皇靖難誅戮臣僚妻子發教

坊或配象奴有一烈婦題詩衣帶投武定橋河而

死詩云不忍將身配象奴手提麥飯祭亡夫今朝

武定橋邊死留取清風滿帝都或云婦卽許侍中



夫人

黃氏陳伯妻年十八歸伯父死母欲改節氏苦諫不從一日母歸省文氏閉門不與相見母慙而去後伯病危篤氏誓不欲生一日姑扶伯起坐氏熟視曰病至此吾無望矣請具盥遂之竈下碎食器自刺不死自刎乃死時年二十一

周氏鄭忠妻永樂九年忠隨武安侯北征三載還歸病卒周甘貧守節養曾祖母徐氏壽終正統二年子敬具本奏聞請旌

張氏袁計兒妻永樂四年夫亡張年二十五專務紡績撫養幼孤

上元縣志

卷二十五

列女

六

魏氏伊端妻永樂十七年端故魏年二十八守節大

學士劉定之爲作永貞堂記

以上俱正統間奉旨旌表

蔡氏朱金保妻年二十九夫故遺男榮方六歲力貧奉養舅姑及卒喪葬盡禮撫榮成立天順八年賜旌

孫氏府軍後衛千戶趙和妻和征安南病故孫年二十四生子輝甫七歲守節至九十三歲卒天順二年賜旌輝後尚公主孫琮娶魏氏琮故氏年二十八亦孀居守志克繼其美云



姜氏周濟妻年二十七濟亡時孤尚在襁褓姑丁氏  
憐姜少欲奪而嫁之姜誓不從耑務紡績養姑育  
子以終其身

王烈婦適汪姓夫賃舂爲生嗜酒廢業侃居江東門  
之積善橋破屋一楹以箬蓬分內外婦日塞戶坐  
門扇上績麻自給雨中上下漏濕持蓋手續不休  
夫與博徒李姓遊李悅婦姿謀亂之夫被酒歸以  
狂言餽婦婦奔母家避之夫追令歸夜持酒脯與  
李俱至夫引婦同坐婦駭走且大罵夫以威挾之  
婦堅拒被榜笞無數旦日乘間逸告其姊夫踵追

上元縣志

卷二十五

列女

七

之還婦度不能免是夜携幼女坐河干慟哭徑投  
水死及曙女尚熟睡草間蓋婦初欲與女同溺旣  
而不忍遂自死耳死之夜大風雨屍不漂没人咸  
異之

曹氏陳慶妻永樂中慶病卒曹年二十六守節育孤  
四十六載以壽終

馬氏戶部匠徐義妻年二十二義故子源通甫三歲  
守節三十五年

陳氏楊阿庇妻庇卒於西洋公榦陳年二十四守節  
楊氏金吾前衛人年二十六夫亡守節三十餘年



喬氏孫敏妻年二十夫亡守節終身

呂氏趙壽孫妻永樂十二年壽孫病故呂時年二十  
八守節終身

尤氏唐思敬妻年二十六夫亡守節終身

朱氏潘英妻年二十八夫亡屏跡樓居供織紉易甘  
旨奉舅姑撫二孤辛瘁萬狀而志節彌堅

卞氏薛雙兒妻年二十四夫亡守節事舅姑克盡孝  
養

龔氏張純妻年二十夫故守節終身

錢氏徐某妻年二十八夫故守節育孤堅不可奪

上元縣志

卷二十五

列女

八

倪氏羅某妻永樂十五年童故守節

俞氏應天府庠生陳福妻年二十夫亡守節

張氏葉阿僧妻年二十九夫亡守節育孤以終其身

王氏錦衣指揮黃賓之妾賓卒王即欲自刎為家人

所救尋復自縊死

以上俱成化間奉旨旌表

焦氏江陰衛舉人任忱妻忱中應天已卯鄉試四年

病故焦年未三十守節終身

段氏邵澄妻年二十五夫亡誓死守節子宗林在襁

裸撫育成立壽八十有五

以上弘治間奉旨旌表

牟氏指揮牟仰峰女適樊姓四十日而夫亡守節終



身

馬氏孝陵衛吳仁妻十八孀居長齋奉姑教子爲豐  
兵過相戒無犯壽一百有二歲

顧氏父仲華爲贅婿陸姓不二年夫卒喪畢父母欲  
更其志氏泣曰夫豈有二乎淚雨下父母亦泣不  
復言事親盡孝保養孤姪年五十二其居爲鄰火  
所燼父結小屋居之父尋卒有欲迎養者不許曰  
吾生於斯豈他往哉有死而已未幾卒事在正統  
間

盛氏黃鍾妻年二十餘鍾亡遺孤始生三月誓不二

上元縣志

卷二十五

列女

九

志事舅姑克盡婦道子年十五復天盛晝夜號哭  
初志愈堅苦節終身鄉閭稱之

沈氏陳南塘忠夫人居倉巷中忠偶他往有盜數十  
人劈門而入將登樓沈持鐵鎗守樓門盜不敢登  
乃放火燒樓沈見火逼從後窗挾鎗投鄰家得免  
于災人謂智勇不愧其夫云

成化十年江滸居人言有一婦抱一骨函至江滸謂  
舟子曰吾欲葬吾夫于江中舟子曰骸骨不與生  
人同渡懼蛟龍焉婦曰我有百錢遺子請勿渡他  
人舟子諾乃登舟至中流仰天而號遂抱骨俱沉



救之不可得竟莫知其鄉里姓氏云

錢妙寧邵達妻母病刲臂肉進母遂愈或欲聞之有司妙寧曰此自女子一時計無復之耳豈求人知哉孫清爲御史

王氏太僕少卿韋女適上元李長史璨之仲子芹躬親中饋舉足出言罔不周慎姑夏氏疾王晝夜侍養衣不解帶至疾革則夜祝天刲臂取血調藥以進人竟不知而姑亦卒弗救哀毀如禮其娣見其每盥頰左臂有護帛因問之泣曰吾取血以救姑而竟弗瘳是吾孝感未至也夫復何言子登甫三

上元縣志

卷二十五

列女

十

歲而王卒親族賢之

廖氏舉人沈九思妻年十七于歸天性端淑後七年九思計偕京師卒廖年纔二十四子鳳翔三歲旅櫬旣歸誓共死絕食數日翁歿易釵珥送其喪勤約自持篤意庭訓萬歷四年鳳翔舉于鄉二十年成進士

徐氏施愈妻舉人施化遠母嘗割股愈夫女納徐朗一聘嫁一月而寡與母同守節三十餘年

黃氏失夫名夫死公姑欲奪其志自刲死余孟麟作歌弔之



柳氏陳賢妻年十九寡子潤生甫三歲氏堅節教以成名潤生十八舉于鄉登嘉靖武進士官專闢氏封恭人壽九十三曾孫大節癸酉明經

黃氏杜鍵妻鍵大將軍弘瑋子也將軍家金陵老而食貧鍵混跡行伍病死氏方少艾有勸改適者不應夜半縊于夫柩之旁有司釀金斂葬之

楊氏趙某妻武進士楊應乾女夫死于陣氏投河死趙氏岑明俊妻避亂遇兵執至塘溝舟中投水死被掠婦女相繼投水二十餘人

諸氏陳無過妻夫舅爲兵所害氏詈罵爲兵割腹擲于河

上元縣志

卷二十五

列女

十一

楊阿三居孔廟浴沂橋側夫廢業而貧將挈阿三鬻身爲奴阿三諫不聽抱幼子投橋側小池死

劉氏太學程有倫次妻程長劉四十餘歲有倫死氏絕粒不食積十四日死

任氏庠生胥庭治妻遇亂兵夫婦俱赴水死子時逢時迎相繼赴水從死

楊氏內江庠生馬豸妻父所修官江南按察使生氏於金陵署少柔順事親婉愉若成人及笄適豸奉姑惟謹未幾豸歿家中落甘旨罄盡資隨姑所需



罔不備甲申歲獻逆陷蜀赤內邑氏與姑倉皇避  
茂草中姑先被執賊以刃擊臂索金氏急出曰此  
吾姑也願奉金勿擊賊不聽氏以雙手護姑頂兩  
腕俱斷遂昏絕姑亦隨斃薄暮僕人尋至草間見  
姑婦相枕死有子二莫知所終

王氏史敏妻年二十七敏故撫其子經遊府庠未幾  
經卒撫孫五人長世衡河南陽武縣簿次世揆光  
祿署丞尤好義曾孫三十一人年八十四卒孀居  
五十七年

陳氏胡文曜妻進士舜仁女歸曜一載而寡撫孤陽  
上元縣志

卷三十五

列女

十三

生以母兼父奉三孀姑恭順不懈措拄家政井井  
有條訓子孫以忠厚爲本孫禹冀曾孫任輿倚衡  
世科第母德之培厚深矣

程氏庠生孫某妻程仲權孫女祖父皆有詩名遭亂  
兵焚掠欲犯氏氏給之曰屋後池中有藏鏹可取  
之去因躍入池中罵詈不已亂兵怒甚以箭稍刺  
之池水盡赤而死

魏氏張國權妻居淳化鎮宋墅村遇兵被掠怒罵不  
從抱幼子投池水死氏卽魏珠之女

何氏沈無咎妻尚寶遵之後夫病刲股夫亡守節母



病復割股以療

李氏史可模妻故相國道隣之弟婦也初可模爲順天庠生娶李三載以病卒李長跪柩前號泣五晝夜昏暈卧地灌以瓜水乃甦侍太夫人隨道隣來金陵有顯宦聞其賢而美欲娶之遣官往聘且以爲言脅其必從氏聞之閉戶取利刀割耳截鼻家人排戶而入已死地下夜半始甦後姑病割股以療年七十二卒

曹弘昌母陳氏妻錢氏年十九從姑避亂遇兵先後投水死

上元縣志

卷二十五

列女

三

趙氏楊曾春妻年二十孀居教子楚成立楚妻夏氏避兵北湖遇盜抱兒投水死會春女適庠生吳知錫亦遇盜同死之

陳氏白應甲妻事繼姑盡孝相夫訓子克盡其道子夢興夢鶴以公論被忤羅致於獄母曰吾子范滂流也吾寧不爲滂母乎絕無愠色會國變得釋晚年伯子以明經選仲子舉於鄉無喜色惟日課諸孫教以讀書明理爲主年八十四忽命家人環向念佛無疾而終女適王二十夫歿歸侍母守節三十餘年



石氏南陽周丞鄭完我之母崇禎癸未李賊據西安府甘州堅閉不降賊怒攻之三閱月無援者石預戒家人積薪中庭城陷賊縛其孫僑柱走石携媳王氏及女孫入薪舍命婢縱火俱燼越十日僑柱脫歸發視之姑婦仍牽挽其女相去稍遠顙髮卷曲猶作雙丫髻狀僑柱貴以其事聞於朝僑柱後籍金陵

自有傳

烈婦屠氏故靖東將軍魏豹妻屠時中女赤水先生孫也性貞慧通經史及笄適豹時當兵變豹歷行間嘗悲歌與豹訣曰月正皎兮風正清異鄉愁兮

上元縣志

卷二十五

列女

十四

故鄉心共艱辛兮十四春保此堅貞兮後先死生及豹入緬死呪水之難氏聞變與幼子宗臯偕自經索絕而甦復佩利刃與孤相依遇靖逆侯張公勇與豹有舊撫其孤氏乃慨然曰豎孽有託吾可從夫於地下矣遂投繯死年三十有一

鄭氏李天楨妻楨卒時氏年二十六遺腹生子先春守節至七十歲

金陵丐婦山東人以歲旱飢偕夫就食於金陵夫裹巾穿舊紬衣婦耳垂銀鐙端莊嫻雅見往來者輒伸扇乞錢或問之曰吾巨族女夫庠生相携至此



梁病不起耳或諷以別嫁可得金爲夫調理資曰與失節生寧守義死問何不以銀鑄易米曰夫家聘物不忍棄也聞者嘆服競施予婦乃市棺二藏寺中夫粥亦粥夫不食亦不食夫死倩工埋訖日舉衽堊土爲塚塚未成而絕路人高其義爲同穴葬焉

王氏進士王芝瑞女太學生陳傑妻傑卒氏年二十四撫孤守節終身

國朝時氏徐介亭妻年廿四守節壽六十四歲而終

張氏江西南贛縣張星女也星父某值鼎革以諸生死

上元縣志

卷二十五

列女

五

於難母爲亂兵掠去星奔走數萬里求母不得流寓金陵生一女有淑德適武進卞湛聞湛聞北遊輸粟爲主事未及選以疾卒於京門人扶櫬歸氏哭盡哀旣葬設奠靈前伏毒酒中遂死

鄭氏業士瑛妻瑛爲大宗伯燦第三子宗伯以皖城殘燬徙家金陵瑛娶氏年才十五明年瑛成崇禎甲戌進士告歸遠卒氏撫半月孤爾亨入泮守節至八十餘康熙庚申旌

雷氏庠生吳儀沅妻沅卒無子嗣子名樹聲登康熙甲辰進士氏自十八歲守節至八十八終



趙氏名家璧字連城上元諸生客菴女歙縣上舍庄  
金某妻也性淑慧通詩書大義客菴愛之適金金  
工辭賦遊京師客裕邸賜館迎家璧同居乙丑夏  
金患病不起與家璧訣曰我死汝無子姑老幸自  
便家璧泣曰郎君母作是言脫不諱妾當相從地  
下言訖金死卽命家人購二棺誓從死裕邸聞遣  
宮嫗力勸勿聽旣殮金設食舉奠奉書舅姑畢自  
縊而死年二十有五

王氏前錦衣揮使燕春雨妻年二十四雨亡矢志堅  
貞旣訖革家破長子喪撫孤孫起鳳有成兩世允

上元縣志

卷二十五 列女

夫

賴曾孫詒辛卯舉人詔庠生

崔氏生而淑慧四歲讀書輒成誦三年通毛詩又一  
年能操觚作文及笄歸孫璉璉卒氏無出璉之弟  
姪覲覲氏產逼氏嫁氏誓死不從乃集多人劫氏  
出以與蔣氏子氏至蔣號泣呼天誓必死蔣懼令  
老嫗與俱抵暮佯使老嫗炊乘夜間投繯死

吳氏蘇之洞庭人幼習書嫻大義十九歸上元周繼  
文踰年繼文卒生一女方三月撫夫兒次子以祉  
爲嗣以祉有冷疾習舉子業不就乃督諸孫于邁  
等晝夜講習于邁卒成立知名於時苦節閱四十



年

史氏相國道鄰之嫡姪女年二十適李干霄霄早卒無子撫姪爲嗣姪復繼沒氏益苦自勵康熙三十二年旌

徐氏江良機妻苦節撫孤按院劉公題建石坊旌表梁氏馬維驥妻驥卒孤士熊甫兩歲氏撫之成立訓孫蕃成進士守節四十四載壽七十三

王氏易天恩妻年十九寡食貧撫遺腹子士忠有成壽八十二次曾孫仕遊江寧邑庠猶及見之初天恩病篤氏刲股救暨士忠病士忠妻亦刲股療之上元縣志

卷二十五

列女

七

蓋孝義世其家云

曹氏徐必選妻廩生佩之母佩七歲而孤氏年二十四茹荼憔悴人所不堪課佩極嚴事姑不以早寡缺奉養佩學行有成皆其教誨所致云

袁氏徐必成妻必成客死於道家資蕩然氏年才十六無所出苦節自矢長齋誦佛不輟其婢曹亦苦節迎氏於家相依二十餘年

鄧氏寧河王齋孫女適翁涵萬萬病氏奉藥餌甚虔及萬病篤佩刃於身誓殉夫死萬力囑以撫孤乃再六日敬承命萬卒懸像事之如生以哀毀邁疾



而歿年僅二十有三

程氏黃象田妻家貧早寡養舅撫孤以女紅供朝夕苦節三十年同里紳士欲公舉節孝氏固辭子瑞歲貢生任學博孫昇遇晨遇文學昌遇癸巳舉人任靖江令

王氏李謝妻年二十九而寡子嘉滿甫一歲值海寇亂衆皆竄避氏獨母子相依處頽垣中不去竟無害守貞四十餘年江防單公以苦節純貞四字額其堂壽七十三終

吳氏張慶潤妻慶潤早卒撫孤教養以底於成歷節三十年

上元縣志

卷二十五

列女

六

李氏陳二功妻結褵二載二功死於楚舅明庭往探亦歿姑張憫氏無子年少勸之他適氏大慟蓬垢爲傭作易升斗以養姑閱三十年姑卒葬東山養生送死皆氏十指筋力所辦苦節五十一年

汪氏俞養德妻養德遊學貴陽卒於旅氏年才二十五一女在襁褓聞訃哀號以死守自誓零仃孤苦垂三十五年太史查聲山表其閭

顧氏焦狀元曾孫庠生誕妻十四歲歸誕未四年而寡家貧無子苦節六十年



楊氏應澄女鎮算總戎正元之姊也適同里安倫二十八而寡遺子女皆幼矢志守節五十餘年

宋氏張大受妻大受沒子純甫五歲績緝爲生以遺經教子苦節踰六十年年九十餘而卒督學張公廷樞旌曰節堅松茂子純歲貢奉賢學博孫禮問丁酉舉人任縣令

王氏胡修準妻父廷弼官江南按察使年十八歸修準以賢淑稱踰二載修準歿無子以夫從兄子爲嗣未幾歿更嗣恣疊恩勤若已出後恣疊成立補邑庠皆氏茹荼集蓼中所擘畫也年六十四卒

上元縣志

卷二十五

列女

九

任氏李載偉妻年二十一而寡子琇才二歲氏事姑訓子苦節自甘壽九十而卒

裴氏林之翰次妻翰卒氏時年二十九撫孤巖岱有成以苦節卒巖岱皆爲名諸生巖子殿樞登乾隆庚午賢書岱子殿梅食餼膠庠殿懷業儒

王氏方邑虛妻年十九而寡生子昌纔乳哺撫之成人及昌知讀書謂可繼先業告無愧于夫而昌復病卒昌妻笄氏苦志勵節兩世煢煢人稱世美孫學震廩膳生曾孫爲築邑庠生

孫氏年十九適陳三極二年而夫故氏欲殉者數以



婦道從一而終必須有子守節是有子者有恥無子者可無恥也夫恥豈專爲有子婦人設也蓋其矢志如此

朱氏黃恩榮妻年二十六夫亡獨處一室數十年如一日焉

端木氏陸荃妻荃亡氏年十七卽屏絕鉛華靜處一室非姑有召不踰闕鄉黨稱其節孝

袁氏黃某妻年二十四夫亡家貧紡績養舅及子母欲奪其志已受他人聘因詐病給氏歸迫之嫁氏堅志不從母屏氏空室中絕粒者數日里人告其上元縣志

卷二十五

列女

天

舅與子排闥輿歸遂全其節操歷數十年而卒  
焦氏劉芳蔭妻守節五十餘年卒八十三持齋念佛五十年如一日媳沈氏子映梅妻年二十一映梅卒守節五十八年卒七十有九孫媳吳氏孫塚妻亦守節三十餘年孝事孀姑撫孤殿颺成立一門三節孝焉

孫氏沈汝松妻守節四十七載卒年七十餘前江寧守劉公涵賜額旌其門

劉氏官詹龔于路家媳甲午科舉人聲振妻年二十七夫歿矢志守貞依母家針黹度日 年六十五



十年卒太守介菴劉公表其閔

林氏庠生夏繼臯妻年二十三而寡撫孤苦節歷六十二歲鄉里皆以賢稱之

梁氏蔣奇玉妻年十八歸蔣未幾蔣病篤氏度不起欲先夫死家人乃之密乃積草榻下引火自焚死有司旌其節

潘氏陳傑繼妻年二十一傑卒撫前施氏子扈如已出扈字羽豪初從趙客菴講學長以世職任四川迷易所守禦治行卓然皆賴母教以成壽七十有一守節四十三年孫尊泗庠生有聲

上元縣志

卷二十五

列女

三

朱氏庠生項晉妻晉卒氏訓子成立入泮署府賁公旌之曰節操冰霜凡三十餘年而歿

王氏汪二妻汪家貧餬口于外有奸徒覬其少艾欲亂之氏懼見浼遂投河死之後數日顏尚如生其衣裾皆縫紉完固示不辱也里人請于有司伐石表其事劉公思敬撰文

宋氏太學生方天憲妻方先世莆田人移家金陵翁元祖以馬政部曹遷雲南牧殉流寇難天憲聞變嘔血死時氏年二十八痛兩世繼歿欲速死念孀姑無托遺孤無恃遂苦志守節歷六十六年壽九



十有四子逢軫以岐黃名世孫御義邑庠生

程氏庠生宗之簞妻簞遊學蜀中尋卒氏聞訃痛不欲生堅志守節垂三十七年子二俱庠生

白氏梁城妻年二十三寡撫孤苦節三十五年子超邑庠生

劉氏庠生常復妻歸常逾年復卒氏以妊六月待產及舉子方啼有聲急呼翁門外訣別觸床辨死子名無忝

宋氏郡庠陳奕新妻奕新係世族富豪自氏歸而家道中落舅姑病嘗刲股救之後相繼歿奕新痛無

上元縣志

卷二十五

列女

三

以葬入都覓親尋卒氏罄所有托親友移夫柩歸力葬三喪無子依母氏終

陳氏三韓人居金陵父二酉以鄉貢官太守及筭適丙午舉人富順熊亂復氏年二十四亂復卒無嗣矢志終節依壻岳兆元以養孀居六十年年八十

四

高氏黃從善妻從善病侍湯藥三年垂絕諭氏曰吾有老母是所望于汝矣氏額之從善歿以女紅供甘旨十年姑死長號損日後無托閉戶絕食死

馬氏丁宗孔妻宗孔有異才後得痼疾不起諭氏宜



自愛遂率氏大痛吐血數升叩首姑前曰大人有伯氏母以兒爲念也遂絕食死

吳氏少字陝西王生寓金陵王家貧早歿氏矢志終節以無依歸母母欲奪氏志浸迫之遂長號奪嘔血數升而死太史岳度立傳以表其事

吳氏程宗孔妻年二十四寡家無遺資上奉孀姑撫四歲孤瓚皆倚辦于十指苦節三十年

袁氏殷符萬妻萬有羸疾氏奉湯藥甚恭每夜必焚香告天願以身代踰年夫卒氏痛夫無嗣旦夕哀毀亦病瘵卒

上元縣志

卷二十五

列女

三

劉氏李馨繼妻年二十九而寡生子三守節五十七年八十六而終

姜氏王子英妻英得羸疾不起氏經營喪葬畢自縊靈前蓋棺時面色如生項無纒迹時年三十有二朱氏于圖南妻年二十二而寡貧不能自給乃依母家守節至七十四歲終其婢桂蘭奉主母苦志亦不適人年六十六歲

陳氏員外郎吳銓妾家貧父爲稱貸所迫幾不能生氏痛父願賣身以償歸銓銓嘗病將不起氏大慟籲天誓以身代銓尋愈未幾氏以疾歿生子恩珍



歲貢生紳士因其孝義可風連名白府遂檄紀焉  
李氏河南人已丑進士光座女及笄適庚戌會魁白  
夢鶴次子國學觀甫二十八而觀卒無子氏痛甚  
欲以身殉姑劉氏泣慰之乃止與妾李氏蔡氏皆  
矢志守節伯眉以次子有芝爲之嗣歷節四十年  
王氏貢生張汝吉妻少宰祚遠公長孫女汝吉蚤卒  
氏撫孤勵節內外摺拄不遺餘力尤耽情書籍凡  
天文地理左史綱目以及岐黃星卜諸書無不鑿  
鑿道其源流太守陳公鵬年郡丞丁公易皆有旌  
額年九十餘卒子希孟太學生孫嵩癸卯選拔貢  
上元縣志

卷二十五 列女

三

成均

魯氏袁士奇妻年十六適士奇奇奔走四方氏以十  
指佐之辟纁刺繡無間寒暑奇病禱于神願以身  
代及奇卒氏年二十八歲事姑撫子每爨火不繼  
爲兒併食易衣娣姒皆無出令已子爲之嗣祖三  
房得並延不替氏之力也康熙丙申年旌

吳氏普天慶妻慶家素饒夜有盜入其室矢石交下  
遂中箭斃時氏年二十四痛夫非命矢志守節長  
齋奉佛撫孤琰如成立歷節三十年

程氏吳永熾妻年二十五夫卒矢志養姑撫子士俊



克家女適周亦少寡依程三十餘年稱雙節

趙氏總戎應奎女年十九適太學生王南望期年望  
歿遺一女氏哀毀遽自盡舉家救之絕而復蘇無  
望弟粵之子爲嗣孀居四十年

吳氏貢生林世奎妻世奎奔父杭學喪卒於貴西道  
任所氏時纔三十歲子二俱襁褓矢志撫孤有成  
歷三十五年子有祺歲貢生

翁氏褚允中妻廩庠生田年妹年十七適允中十九  
寡無子亦無可爲嗣誓志守貞依兄田年以居歷  
節五十餘年與其叔姑吳並稱雙節

上元縣志

卷二十五 列女

三

胡氏沈振先妻年二十九寡子應泰贅於錢遵疾一  
旬歿錢矢志奉姑兩世貞節乾隆十四年旌

羅氏宮詹篁菴女適大理寺郭一鳳子景鑿鑿任成  
都別駕卒于任時氏年二十八扶柩歸葬撫一歲  
孤淳有成歷節三十五年

陶氏邑庠李夢妻念八喪夫苦志自守歷節三十餘  
年子標庠生

熊氏張其經妻其經病卒撫二歲子志翰有成妾趙  
氏年更少經易簀時以氏無出命其改節氏矢志  
不從與熊協力保家俱歷節三十餘年



江氏張曉妻適曉纔三月曉遊豫及粵三年不返卒于粵時氏年二十七家無遺資苦節歷三十餘年周氏劉世俊妻年二十八世後病篤刲股醵天誓以身代夫卒苦節教子歷節四十餘年子康錫郡廩生

高氏邑庠生畢大章繼妻年十九歸大章甫六月而大章歿有遺腹三月氏哀毀絕粒誓不復生舅姑乃諭之方就食未幾生子撫孤事舅姑以紡績供甘旨曲盡婦道歷節四十年當事旌其閭

馬氏郡庠生楊經方妻經方卒氏年二十七奉翁姑上元縣志 卷二十五 列女 美 盡孝衣食皆取辦十指間歷節三十七年如一日督學余公正徤以冰蘂貞心旌之子諸生華國賴母訓有成

王氏容城人李一讓繼室年二十七而夫逝父母憫其饑寒命之改適氏誓死不從撫孤成立歷節三十九年

杭氏張可學妻可學病氏刲股和藥以進卒不能治自二十六歲稱未亡人歷節三十餘年督學張公太守衛公旌其門

楊氏邑庠生梁金銓妾年十七侍金銓正室周無出



先夫歿氏生子甫二齡夫卒氏年二十誓志不二未幾子亦死父母欲奪其志堅執不從立銓兄金鎔子爲嗣守節三十四年

顧氏李仙經妻年二十適仙經二十四仙經歿氏毀形滅性誓不欲生勺水不入口者三日母以奉舅撫孤之義再四勸慰氏乃稍進湯粥後奉翁至孝教子甚嚴凡延師款友內外家政罔不中節合度督學鄧公鍾岳顏以額曰節孝可風子文在援例入太學習舉子業

謝氏馮某妻十八適馮未三年而馮卒遺一歲女伶仃相依今近六旬長齋繡佛苦節如一日

上元縣志

卷二十五

列女

三

顧氏劉需妻適需二旬而需卒或以改適諷之氏截髮誓曰吾夫無嗣所不爲立後而懷二心者如此髮矣言者媿止守節三十餘年撫姪昌繩爲嗣繩庠生

徐氏太學生汪銑妻銑卒氏年二十二無子依兄憮以居苦節三十三年

錢氏陳某妻年二十餘夫病割股和藥以進夫歿撫孤文濤甫踰冠又殞遂獨處一小樓數十年不下郭氏葉昇妻年二十餘昇卒無嗣氏苦節自厲常曰



婦道從一而終必須有子守節是有子者有恥無子者可無恥也夫恥豈專爲有子婦人設也蓋其矢志如此

朱氏黃恩榮妻年二十六夫亡獨處一室數十年如一日焉

端木氏陸荃妻荃亡氏年十七卽屏絕鉛華靜處一室非姑有召不踰闕鄉黨稱其節孝

袁氏黃某妻年二十四夫亡家貧紡績養舅及子母欲奪其志已受他人聘因詐病給氏歸迫之嫁氏堅志不從母屏氏空室中絕粒者數日里人告其

上元縣志

卷二十五

列女

三

舅與子排闥輿歸遂全其節操歷數十年而卒

焦氏劉芳蔭妻守節五十餘年卒八十三持齋念佛五十年如一日媳沈氏子映梅妻年二十一映梅卒守節五十八年卒七十有九孫媳吳氏孫採妻亦守節三十餘年孝事孀姑撫孤殿颺成立一門三節孝焉

孫氏沈汝松妻守節四十七載卒年七十餘前江寧守劉公涵賜額旌其門

劉氏官詹龔子路家媳甲午科舉人聲振妻年二十七夫歿矢志守貞依母家針黹度日 年六十五



歲

何氏楊嗣珩妻年十八歸嗣珩五載嗣珩卒遺孤甫一歲氏日夜號痛雙目淚盡繼之以血而死

張氏趙又徐妻少寡遺孤龍章甫襁褓氏堅節撫孤成立壽七十五

徐氏張起緒妻年二十五守節矢志堅貞治家嚴肅撫遺腹子國棟成立鄉里稱其節

宰氏名吳賢適監生劉鑑三載鑑亡氏年二十三無子立侄嗣濂爲後縞衣茹素苦志堅貞歷節三十八年載江左壺儀錄

上元縣志

卷二十五

列女

三

馬氏吳良臣妻二十二而寡食貧奉翁姑撫幼子以紡績爲資有勸其改節者輒毀容務面以自誓事聞太守衛公贈以荻影清霜扁額載江左壺儀錄卒年六十有五孫襄食餼府庠

吳氏孫大倫繼室少事翁姑勤謹不怠居家素甘淡泊鄉里咸稱賢淑夫死克貞苦節教二子俱成名鄭氏趙純一妻年二十五而純一歿夜半自縊以狗夫爲家人解免半晌始甦曰必欲吾生須任吾長齋事佛作在家尼方可允之乃截髮以誓卒年五十八子熙妻張氏刑部郎景載孫女歸熙二年而



熙亦歿有以青年子幼諷之改適者氏正色厲聲曰趙氏僅存一綫我去誰爲主者卒得撫幼子成立蓋一門稱双節云

楊氏庠生翁士鯤妻年二十六而寡撫遺腹子長存成立雖數日不舉火冬日無綿纈亦無怨言焉

童氏臨桂縣貳尹周銘長妻年十五適銘長越七年而銘長卒氏矢志守節馭家嚴肅有方撫孤兆鳳兆熊俱能成立並二孤姪亦愛若已子垂三十餘年

沈氏嚴允公妻十九適嚴二十四夫歿氏遺孕生男

上元縣志

卷二十五

列女

三

食貧甘節奉孀姑以孝稱鄉里垂三十餘年

金氏張莊士妻二十四而莊士歿無子矢志守節垂四十五年卒年六十九殯葬請旌俱母氏家主之王氏庠生談超妻超故時氏年三十偕妾殷氏守節共矢柏舟氏持家有法課子尤嚴歷三十餘年子六長銓能成立次銓鑣鈞鎮永昌俱名列宮墻銓鑣早卒妻亦守節

謝氏學博謝起秀女年十九適馬尊光爲妻生二子逾六載尊光病歿苦節四十載而卒郡守施世綸額旌孫天泗庠生



楊氏監生葉煥繼妻年十六歸煥以不及事翁姑爲  
歉歲時祭祀思敬思哀撫幼姪甥女若已出越十  
四年煥卒誓死以十指育遺孤四準薨達俱成立  
耀邑廩生每社課楊治供具燈炮無倦色年七十  
餘卒乾隆十四年旌

林氏朱廷機妻旣笄適朱甫六載廷機卒時氏年二  
十六無子事舅姑撫幼女惟憑十指艱苦萬狀五  
十七歲而卒乾隆戊辰年旌

侯氏趙仁甫妻仁甫卒氏年二十四家貧或勸改適  
輒以死自誓早夜績紵奉養孀姑撫三齡一齡幼  
子備極辛勤後二子俱成立以孝聞人咸謂苦節  
之報云年七十五而卒

汪氏監生張植妻歸張數載不育勸植置妾韓氏未  
幾韓生一女而植抱病旋卒立次弟均子鑿爲嗣  
汪撫之成立韓佐汪栢舟自誓時稱雙節乾隆五  
年旌

沈氏朱琦妻歸朱二載琦卒時沈二十三歲事孀姑  
盡孝守節三十年姑何氏乾隆五年旌

王氏中憲大夫薛良朋繼室良朋卒時氏年二十九  
拮据撫孤經營盡瘁五十八歲而卒媳李氏長子



之蛟妻陳氏三子之鯤妻孫媳范氏瑜妻韓氏琦妻俱早孀三世相承一門苦節陳氏尤稱賢淑焉何氏陳弘猷妻年二十一適陳逾年夫卒無子誓死守節備嘗艱苦歷三十七載

陸氏楊邦翰妻翰父毓春太學生娶董生邦翰娶劉側室生廷銓甫一齡太學卒翰讀書喪明距太學之亡十四日一夕暴卒陸時年二十八方哭其舅旋哭其夫竊念舅死惟叔藐孤不絕如帶而叔生母劉又以姑董迫遣微叔無以繼舅微吾無以鞠叔之生恩勤鬻閔以嫂代母洎廷銓果成立入太

上元縣志

卷二十五

列女

三

學命子松年繼邦翰報嫂德也稱未亡人三十載松年邑庠生方望溪苞紀其事

曹氏明指揮呂邦彥妻邦彥殉節遼陽氏聞訃卽盡節而亡乾隆六年旌

戴氏高士升妻早寡撫三女一子皆賴十指全活苦節五十餘年而卒

汪氏黃裳吉妻裳吉卒於京時氏年二十七舉柩歸葬立姪德城爲嗣守節四十三載

薛氏國學吳曰琦繼妻事翁姑盡孝嘗嚴冬着單衣典纊供甘旨子斯錦邑增生斯鈞雍正癸丑進士



斯鏞業儒斯鑑郡庠生鈞鏞鑑俱早卒無嗣

宋氏吳斯鏞妻年十六歸鏞越二年而鏞卒初鏞病革度將不起自對鏡圖小照付氏曰我死當懸此卧壁朝夕奉我香一縷水一盂及卒氏卽剪髮茹素守夫遺命數十載如一日焉媿鄭氏斯鑑妻鑑亡亦偕宋志以自誓

李氏戴璟妻守節二十四年卒乾隆九年旌子林貢生

耿氏李仁瀚妻守節二十九年卒乾隆九年旌

劉氏李義貞妻現年五十八歲乾隆九年旌

上元縣志

卷二十五

列女

三

方氏庠生趙鴻儒妻二十八歲而寡歷四十年撫子夢熊成立食餼於庠

鄭氏薄履培妻年二十培卒事孀姑孝無子待其叔生子藝初立爲嗣守節四十九年

薄氏糜廷縉妻性賢且孝廷縉貿易遠出氏拮据奉姑于歸八載夫卒守節三十一年而歿

余氏郭鵬妻二十二歲而寡飲冰茹蘗苦節三十年柯氏王振業妻年三十守節歷四十餘年

何氏年十六適張錫爲髮妻二十九歲錫歿矢志苦守孝事翁姑撫育子女拮据盡瘁歷今八十二歲



鄉閭憐之於乾隆十四年公額旌表

彭氏萬烜妻二十五歲烜歿無子慟不欲生第念上有垂白雙親勉進飲食勤十指以供養膳喪葬如禮撫嗣子有成今年五十八歲

倪氏太史倪燦孫女年十九適儒童孟志錫甫二載錫卒一子隨殤矢志冰操依叔贍養歷今四十餘年部守郭汝梗表其廬

吳氏生員程位妻少寡事翁姑盡禮撫三子成名乾隆七年旌

于氏歸國學生薛蘭孫年二十六而寡哀毀絕粒誓以身殉奉翁姑命迺忍死撫孤每夜分紡績督遺孤習誦垂四十年無間長子掄元次子莘皆力學成名乾隆十三年旌

上元縣志

卷二十五

列女

三

高氏許承周妻早孀寡甚以十指養老姑撫子女苦節三十餘年今六十一歲

吳氏朱汝璫妻年二十三而寡堅志苦節四十八歲王氏葉佐達妻年二十三守節歷四十餘年

文氏左文瑜妻年二十三夫卒不數年舅姑亦相繼歿生養死葬氏皆以十指營辦子女尚在襁褓撫之成人備嘗艱苦歷今三十餘年



徐氏邑庠生萬玉瑛妻瑛少孤貧甚訓讀陶吳鎮鄉年四十甫娶生女四歲而煥病故徐煢煢子立米藥自甘女稍長佐母十指度日母女相依爲命以此終身不字鄉以節孝稱之徐守志四十年女今亦老矣

劉氏邑庠生燕詔側室詔以遺子僅一歲家老屋數椽燼於火以十指供朝夕歷三十餘年子以均有聲庠序

俞氏貢生沈嘉訓妻夫亡守志六十餘年壽九十四子祖壽辛未進士

上元縣志

卷二十五

列女

三

蘇氏十七適進士龔鵬子懋勳任滇南州牧乾隆八年旌

陳氏胡文曜妻雍正三年旌

劉氏貢生李芳奇妻守節二十九年卒次子崇庚子舉人四川洪雅令遺腹子殿元邑庠生乾隆十三年旌

錢氏庠生吳臨皞妻守節七十年壽九十三卒子履介明經

金氏武科狀元抱一孫女適中山王後裔庠生徐彤爲妻性孝姑病禱於神割股以進姑賴以痊族黨



咸稱其孝子吳亦庠生

宋氏童生何嘉賓妻年二十三歲夫卒事翁姑孝苦節四十餘年

周氏世襲一等侯張宗仁側室年二十五歲宗仁卒守節垂三十年乾隆十四年旌

殷氏十四歲適張弘德爲妻越七年弘德卒無子以紡績撫二女備極勤苦年七十一卒

張氏庠生吳葦佩妻乾隆十一年旌

陳氏蔡祖庚側室祖庚卒生遺腹子氏全節保孤督學法公額旌其門

上元縣志

卷二十五

列女

三

楊氏王國懷妻守節四十二年現年七十一歲

徐氏胡依繩妻生子憲京甫一歲繩卒守節四十七年乾隆十一年旌

李氏曹登俊妻乾隆九年旌

余氏童生金天達妻年二十夫卒無子守節五十三  
年卒

梁氏張彩臣妻年二十八歲夫卒子四齡守節三十  
一年縣給松筠勁節額

謝氏林雲龍妻二十九歲而寡無子有強之嫁者謝  
不以口舌爭聳身欲墜樓死侍婢急救之竟以節



終年七十餘歲

汪氏王某妻有志操順治己亥海寇薄近郊氏家慕府山下度禍必及乃紉箴密固上下衣爲自靖計既寇肆掠氏嘆曰吾久知有今日矣婦人死義宜也不可辱遂赴池水死

韓氏林師求妻師求卒於寶應舟中時氏年二十四歲聞訃哀毀欲絕子女尚在襁褓撫之成人守節五十一年

吳氏生員白鰲妻適鰲七載而寡守節三十年

杜氏朱某繼妻年三十而寡家貧無恒產子廷清甫上元縣志

卷二十五

列女

三

十二齡氏晝夜紡績每有斷炊之事苦節四十餘年衣縞食淡壽七十九歲

姜氏汪堯章妻年十九夫卒無嗣誓以死殉翁姑泣論再三勉從之家中落及翁姑歿罄奩資以治喪具宗黨咸稱其孝勵節三十一年邑令許額以志潔操堅四字

伍氏黃溥妻年二十五歲溥卒既歛夜以身殉別駕劉題額曰茶心獨喻

楊氏孝廉張烈亨妻刲股救姑疾瘳

孫氏儒童程宗洪妻年十六適程生二子二十七歲



宗洪卒媪周氏年十六適宗浩十九歲宗浩卒立  
孫氏子爲嗣同心撫孤俱守節三十餘年鄉里推  
爲一門雙節乾隆十四年請旌

王氏葛天民妻乾隆二年旌母陳氏撫四齡弱女奉  
白髮鰥翁守節四十餘年以門祚衰絕待旌

葉氏童生陳啟盛妻乾隆四年旌

賈氏祁正經妻守節三十七年乾隆九年旌

趙氏詹自美繼妻二十五歲寡守節四十六年現年  
七十歲

鄒氏王天禎妻二十二歲守節現年七十歲

上元縣志

卷二十五

列女

三

李氏吳瑛妻二十四歲守節乾隆八年旌

朱氏湯自薪妻適湯僅九月而夫亡守貞三十五年  
卒乾隆七年旌

王氏江國禎妻二十七歲夫卒守節四十餘年備嘗  
艱辛撫孤成立縣令曹鎡以松筠比潔四字旌之  
卞氏儒童汪德澤妻年二十三夫卒哀毀骨立生遺  
腹子撫之成立躬操井臼奉兩代翁姑鄉黨悉稱  
其孝乾隆五年旌

劉氏丁瑛妻年二十二適瑛未數月而瑛卒氏矢志  
守貞撫遺腹子成立守節四十三年乾隆十三年



旌

何氏蕭某繼妻年十八適蕭逾年蕭故氏苦志守節撫前孤稍長傭工爲活計不數載前孤亦歿形單影隻卒年八十餘歲

余氏年二十一適王志燦甫三載志燦患病輾轉牀第者三年氏夜半叩天假年以女工爲藥餌費及夫卒誓不欲生時孀姑在堂屬以撫孤延王氏一綫脉乃勉進勺水以仰事俯育爲已責午夜紡績孤燈課讀子文成雍正巳酉副車

葉氏陶廷貴妻二十九歲守節五十八歲卒乾隆三上元縣志

卷二十五

列女

三

年請旌

高氏朱滙妻二十七歲而寡六十一歲卒乾隆五年旌

曹氏俞天育妻二十七歲而寡現年六十歲乾隆七年請旌

李氏庠生劉豐亨妻年二十一適豐亨二十四而豐亨卒氏矢志守節撫孤成立數十年如一日焉

姚氏陳君祿妻歸陳八月而陳遠出多年絕無音信翁出手書付氏改適氏堅志不從苦守十五年卒王氏李盛之妻二十九歲夫卒守節四十九年乾隆



十一年請旌

徐氏羅興濂髮妻適羅甫兩載興濂卒誓死守貞事姑盡孝撫九月遺孤天祐成立補邑弟子員有聲苦節歷四十餘年六十四歲卒乾隆九年旌

徐氏王時泰側室年十八歲時泰卒守節三十九年遺腹子國書太學生

許氏庠生張來鶴繼妻守節三十三年

黃氏鄭承烈妻年二十二歲適鄭二十六歲夫卒矢志守節撫孤枉成立氏因勞瘁得病至四十二歲而卒

上元縣志

卷二十五

列女

單

王氏監生方雲顧妻二十五而寡時方氏宗禍震遠近族盡北徙家素窶艱無一椽之庇氏日勤女工以奉姑育子四子書及詩書易三經皆自督教之後子世儒成進士官御史奉

旌表

鄧氏國學生方求晟妻年二十四適求晟二十九歲而寡夫疾氏顛天愿代及卒哀不欲生忽念孀姑無恃及遺腹在懷勉進糜粥竭力養姑姑病衣不解帶親嘗湯藥卒則哀號躡踊其所以生事葬祭姑與夫之費皆出於十指間督遺腹子遵衢以克



紹家聲爲訓乾隆七年

平郡王賜額名門貞淑八年有司奏

聞旌表

望溪文集中有二節婦傳

葉氏袁某妻旌表建坊

葉氏庠生韓鉉妻歸韓甫二載鉉卒氏年十九歲代夫事舅姑盡孝撫嗣子泳成立守節三十年

李氏監生謙堯序側室二十三歲而寡守節三十二年

何氏太學生王炬妻子歸七載炬歿堅志守節代夫克盡孝養子二長塙次時俱撫之成立郡守官公

上元縣志

卷二十五

列女

望

贈柏舟矢志額氏婺源庠生何源之女

顧氏庠生王熙和妻年二十六夫病刲股籲天及沒飲冰茹苦以死自矢上奉孀姑下撫幼子子瑄孫在鎬相繼入泮皆氏教養之所致也

江氏儒童吳豈凡妻年十九適吳二十八夫故矢志守節撫孤天珏能成立

余氏徐商民妻年二十六夫故矢志柏舟歷節三十三年現年五十九歲

程氏朱英銳妻年二十一適朱踰年生子濤濤四齡而英銳卒氏苦志守節竭力養姑教子成立現年



九十二歲

傅氏國學鄧雲路妻年二十而夫卒無子守節有勸之改適者氏堅持不允姑病割股以進立姪德蕙爲嗣鄉里稱節孝焉歷節三十餘年待旌

程氏考授州同陳自錦繼妻自錦沒氏親搽井曰不辭勞瘁理家政巨細無不中度教子嚴切有法苦節四十餘年壽八旬子四涵泓潤沂皆能成立

吳氏劉萬選妻守節三十五年無子立侄仔仁爲嗣項氏吳光斗妻適光斗三載夫沒無子苦節三十年談氏適太學生許天一逾五載夫沒慟不欲生因篤

上元縣志

卷二十五

列女

望

念翁姑兼有遺腹遂強進粒食却脂粉仰事俯育克勤歸職子仕鵬入順天昌平學有聲

王氏曹豫妻年二十三而寡家貧無嗣矢志茹苦勤十指以代子職蕭然數椽僅蔽風雨歷三十年處之晏如

計氏周玉昆妻年二十七夫故氏甘貧守節營葬撫孤俱賴十指垂三十九年現今六十六歲子三俱成立長天祿號宜園以治目疾行世

李氏邑廩生陳松妻松以攻書勞瘁成疾氏歸陳未踰年而松疾殆尋卒氏矢志柏舟苦守數十年而



亦卒

蕭氏年二十一適開平王裔孫常承志爲妻甫一載而承志卒時氏無子撫襁褓女守節養翁姑極孝卒年五十餘歲

王氏施瑄妻事翁姑孝相夫克盡婦職瑄病篤氏割股和藥以進輒甦太守張萼年頽以刻骨圓天匾額

王氏舉人沙廷相子澤宏妻年十六守節撫嗣子成立歷三十餘年

林氏適儒童曹清甫一載而清沒遺腹生子竭力奉上元縣志

卷二十五

列女

聖

舅姑以孝稱苦志數十年卒  
王氏國學毛世龍妻張氏世相妻王氏世明妻三氏皆以青年守節孝事舅姑而世明妻勤儉持家尤稱淑慎鄉里間有賢聲云

陳氏巳卯科舉人鄧輝妻年二十三適輝二十七而輝故矢志守節歷三十餘年乾隆十四年旌

曹氏邑庠生黃士英繼配年二十九歲夫亡紡績爲生終身不茹葷飲酒不衣羅縠訓二子以義方力行善事鄰里有不足者嘗解衣推食垂四十餘年卒年七十有一



韓氏許璉妻二十五歲夫璉歿誓不欲生因遺腹廿  
心貞守苦節二十餘年撫孤夭佑成人卒年四十  
有八待旌

滕氏儒童徐灝妻年二十二適灝二十六而灝卒氏  
矢志守節畢歷艱辛姑病禱神祈以身代及沒血  
淚迸流因獲贖疾撫子金塘業儒現年五十餘歲  
徐氏賈效洵妻年十九適效洵二十而寡苦志守節  
上奉七旬孀姑克盡孝養撫姪然爲己子教以成  
立歷四十一年現年六十一歲載江左壺儀錄

陳氏童勲妻守節二十一年卒子均妻夏氏年二十  
上元縣志

卷二十五

列女

四

一守節垂數十餘年

周氏舉人龔錕妻年十八適錕二十九歲錕故氏矢  
志守貞脩歷艱苦課子元煒習舉子業有聲庠序  
石氏國學金尚信妻年十八守節遺腹生女至三十  
九歲卒立姪大鏞爲嗣

宋氏柯俊文妻生子玉齊甫四歲俊文卒氏年二十  
九矢志守節閨門嚴肅教子有方壽七十七終于  
子粵東德慶左堂官署

褚氏王嘉捷妻事翁姑孝姑病篤氏剖股以救疾遂  
愈里人咸稱述焉子景淳邑庠生



貞女

元袁氏孤女年十五至孝母病癰火起其廬鄰婦呼之出女泣謝曰使我生而無母不如無生遂抱母死火中

明徐氏妙錦中山武寧王女長姊適燕王是爲仁孝文皇后次姊代王妃妹安王妃洪武末諸藩不靖代王被逮妙錦感悟矢不適人仁孝崩文皇欲聘爲后命內使女官往諭旨妙錦稱病不出女官直抵卧榻妙錦擁被呻吟女官叩首請乃徐起自指曰吾面陋無婦容不足備六宮選歸復命妙錦卽

上元縣志

卷二十五

列女

四十五

祝髮爲尼文皇聞之竟虛中官不復冊立洪熙改元妙錦乃返初服宣德初仁廟張太后聞其行義高潔徵入京旣至入宮中朝自稱徐達第三女肅拜進止端凝不失跬步太后以下皆敬之隨遣內使護歸正統中卒附葬鍾山先塋之次

黃善聰淮清橋人年十二喪母姊已適人父販線香爲活詭爲男子裝携之遊廬鳳間數年父死聰易姓名曰張勝仍習父業李英者亦販香自金陵來不知其爲女也爲伴侶同寢食者踰年恒稱疾不解衣卧弘治辛亥與英偕返金陵年已二十往見



其姊姊言我初無弟安得來此聰笑曰弟卽善聰也泣語其故姊怒曰男女亂羣辱我甚矣汝雖自明誰則信之拒不納善聰以死自明姊呼穩婆驗之果處子乃相持痛哭爲易男子裝明日英來約同往則善聰俄爲女子矣大駭詰知其故快如有失時英猶未室卽爲求婚聰不從曰卽如歸英保人無疑乎親舊交勸則泣涕橫流所執益堅當事聞之乃助其聘禮判爲夫婦焉

都司母承恩女許聘姚姓未嫁夫卒易服毀容聞葬期自縊死

上元縣志

卷二十五

列女

哭

許吳儒女母病危哭跪大士前諷經求代取刀割一耳以誓僅連數分祖母驚覺以艾敷之家人聞所割耳中隱隱誦經聲數日視之耳已復合

李氏女母病反胃垂殆女焚香籲天而疾平旌

趙氏太守俊女母病篤割股療之而愈嘉靖間旌

蔡丑女庠生蔡坦從妹少孤與祖居已受聘一日祖母出有送僕爲僧行者來就食間以貨挑之不從遂迫之以刃衣裳盡裂次第受傷至十一處罵聲不絕竟死灶下不辱血淋漓塗地時女年十五賊旣殺女乃遁去牛首山及官行驗時自來叩首伏



罪官怪問其故賊曰女實未死引我至此耳人謂女殺身不辱而能執賊報仇咸嘆異之

白塔街侯氏女及笄媒爲議婚時其兄死子幼女願撫姪誓不嫁而爲之經理家業教姪從師至於成立媒復婉勸謝曰焉有年三十而猶爲人合番者且姪猶子我庸患乎孤寡遂終老焉崇禎間奉旨旌門姪某後領鄉薦

陳本環女三姐長齋養親矢志不嫁匝月之內兩割股愈母奉旨旌門

張氏女以父無子守節不嫁事親極恭

上元縣志

卷二十五

列女

四

薛氏受徐聘未嫁而夫亡斷髮守節

國朝姜氏女居燕子磯下順治己亥海寇亂女恐見辱

與妹預匿草堆中賊至引火自焚二女皆死

施氏女名寅父益政避亂家金陵年十七許字黃姓曾夫病甚舅姑急欲得婦以事之女遂歸黃然未成婦也父以缺額下江寧府獄女乃髡髮易男子服携幼弟省之出則坐斗室刺繡易米以供父饌有貴人持千金求聘不許亡何父病革女懷牒詣漕司請身代繫出父就醫漕司憐而歸之踰月父死悲號成疾垂革猶呼父者三而死年三十四卒



生黃虞稷吳漢葬之岔山口鄭家庄

王氏幼失父母寄養於舅周三家周貪金欲遠賣女  
女泣辭不從遂投井死死時怪風大作星月皆晦  
越七日周伏冥誅鄰人爲易其棺尸尚如生請於  
有司卜地建塚碣曰王烈女墓

易氏名品蘭許嫁廩貢鄭端子康書未歸而康書沒  
氏題絕命詞二章自縊死詩妾淚非易彈君關渺  
何許心事與愁腸願歸泉下語雲重月難見風狂  
雨不成尺綃從報命便是百年情

伍氏許字沈履錚錚卒於京時氏矢節不再字有欲

上元縣志

卷二十五

列女

哭

奪其志者乃白父母歸沈以鍼繡度日八年未嘗  
下樓康熙己亥春邁疾卒遺言以不得終事姑某  
氏爲憾蔣亦少寡稱苦節先是錚訃未至氏夢中  
若有所見微與其母言之及聞訃其情狀時刻皆  
不爽蓋精誠所感云

鄧氏余駮聘妻餘年十七殞氏聞訃誓死守貞十年  
疾卒當事俱額旌

汪氏許字戴弘毅未嫁而弘毅卒年十八守貞

葉氏蕭成蕙聘妻成蕙卒於京氏歸蕭守貞四十餘

年



王氏少孤無依其姊議字吳鍾與未聘聞有欲易者氏賚志死邑人聞而哀之

紀氏許配姚啟泰未嫁而啟泰疾氏歸姚侍湯藥泰終不治乃以貞女養舅姑終節

施氏字李延昌卒守貞十二年以哀悴死

王氏字黃某未嫁而黃卒氏聞自盡遺言合葬

王氏受沈粲英聘未幾粲英卒氏聞悲號卽易衣絕粒誓以身殉吞金投繯者凡數次以家人防護之密獲越三年乘間遂縊死時年二十三守令通詳請旌

上元縣志

卷二十五

列女

哭

胡氏名季賢字同邑王朝紳未歸而朝紳卒聞訃痛哭絕食母慰諭乃進米汁尋聞有別議婚者遂嘔血死

楊氏陳子瑄聘妻祀士元順治辛丑進士氏生而淑貞寡言笑能識大義年十六聞夫病劇願侍湯藥舅姑以禮迎歸入門甫相見夫卽溘逝氏大痛誓以身殉舅姑婉諭之乃止以貞女終節舅沒事孀姑稱純孝夫兄子琛感其節孝以子亮臣爲嗣江寧邑侯蘇璣以甫笄全節四字顏其居歷貞三十餘年



蕭氏太學生良清女字同邑唐虞經子允隆嫁有日矣隆忽遘疾卒氏欲歸唐泣請於父父不可固請乃許奉翁姑垂三十年淑慎溫和克盡婦道宗黨稱之

陳氏嘉謨女許字唐光昕卒女聞訃泣血自誓請歸於唐唐力辭氏輒大痛投繯者數母知志不可奪告唐迎歸唐故赤貧女以十指佐甘旨奉翁純孝平居尤端謹家無少長未嘗見其啟齒云

洪氏太學生堦女字李仙桂仙桂卒氏聞訃歸李誓志守節事祖姑以孝稱

上元縣志

卷二十五

列女

季

李氏女玉枝許字葉衢未嫁聞訃歸葉守節

朱氏張文驥聘妻文驥以疾卒氏聞訃悲號幾絕赴張成服終喪誓死守貞縞衣蔬食獨處一室歷一十九年而卒

何氏朱振絃聘妻振絃卒氏聞訃履朱守貞三十四年乾隆五年旌

陸氏王柱聘妻舉人王亦式弟婦

史氏蔡伊聘妻伊病卒氏聞投井死蔡甘泉作烈女詩吊之

于氏幼許字邑人吉慶長子士升未及于歸而士升



卒時氏年十九家人匿不與聞氏每于夢中見士  
升告以病故醒輒密訪情由家人偶露其機氏遂  
絕粒者數日矢志守貞乃服衰經歸吉門以終身  
不二一時守令俱額旌其門

仇氏項邁聘妻

以下無傳者附

宋李氏王友筠妻

元尤氏曹子英妻

花山婦

一作花  
三婦

孫氏李志妻

上元縣志

卷二十五

列女

五

屈氏李純妻

明倪氏張豫妻

尚書  
益母

余氏汪希和妻

侍御  
光女

李氏庠生陸經妻

陳氏陸永芳妻

經弟  
媳

趙氏毛伯頤妻

趙氏毛伯頤妻

徐氏毛伯頤妻

京衛  
人

魏妙真鄧信妻

吳氏陳保兒妻



孫氏李老哥妻

沈氏十三坊人佚夫名  
年二十五守節

呂氏趙壽妻

秦氏陳阿福妻

言氏王關孫妻

倪氏陸阿葛妻

呂氏趙春妻

張氏周稱任妻

朱氏徐真保妻

王氏徐鳳岐妻

上元縣志

卷二十五

列女

五

于氏

佚夫名以  
上俱旌

許氏庠生王之範妻

許公  
毅女

易氏潘啓妻

顧氏俞璉妻

尚書  
璉女

沈氏庠生陸登之妻

黃氏庠生胡士吉妻

都督  
越女

童氏沈所問妻

沈氏趙國樑妻

陳氏謝元華妻

石亭  
孫女

顧氏李昌胤妻

顧少  
宰妹



沈氏庠生承晉妻

葉氏顧夢庶妻

尚書璘曾孫媳

程氏陳應科妻

足不踰閭五十餘年

陳氏何樊如妻

某氏龍江衛邵登妻

王氏張鎧妻

陳氏朱萬春妻

封股愈夫訓子成名

吳氏侯四兒妻

宣氏靈石丞張尚善妻

周氏太學陳毅妻

上元縣志

卷二十五

列女

垂

吳氏徐標吳妻

丁氏庠生賈明遠妻

守節三十餘年

蔡氏李元武妻

守節三十七年壽六十有三

祁氏張士化妻

撫子京升師重謙俱成名

吳氏庠生汪攸妻

劉氏金淳妻

董氏夏齊周妻

費氏吳汝瑋妻

申氏顧振昆妻

柴氏周可因妻



陳氏李亂昌妻

子世洪割股療母疾

伯氏李嵩華妻

子如沅割股愈母病

李氏溥存義妻

李氏焦存仁妻

李氏廩庠陳茂德妻

子元慶登賢書有傳

張氏童鉅妻

梅氏庠生黃益妻

康氏庠生張光世妻

唐氏李長庚妻

汪氏何官童妻

夫死守節母病割股

上元縣志

卷二十五

列女

雷

周氏方潤妻

割股救夫

余氏周繼序妻

割股愈父

吳氏殷一桂妻

割臂愈夫

劉氏汪授元妻

戶部主事安節孫女

楊氏徐孝祥妻

太常少卿徐揚先母

宋氏徐揚吳妻

充東道徐惺母

陳氏趙錫吉妻

割股救姑

顧氏周政新妻

割股愈夫

顧氏趙祚昌妻

鴻臚起鳳女割股救父

張氏謝瑜妻



國朝史氏舉人夏亂聯妻

陳氏劉玉珮妻 到股救父及姑  
干氏周應聘妻 嫁周甫六月周溺水死氏時年十六養姑守節至六十餘歲旌  
徐氏孫成道妻 年二十二而寡守節至八十三歲卒旌

沙氏總兵劉映芳妻

張氏楊念橋妻

鄭氏張文科妻

盛氏庠生朱圻妻 旌

張氏童廷策妻

陳氏義民董重妻

上元縣志 卷二十五 列女

五

孫氏司理朱應昇母

黃氏都司陶一鵬妻

王氏梁世烈妻

周氏曹泰妻

宋氏徐冠吳妻

顧氏梁資生妻

于氏王應詔妻 年二十四而寡守節五十八年

鮑氏李瑞生妻 年未三十而寡撫孤登瀛守節瀛未娶卒以甥高為嗣歷節四十年

方氏李兆雍妻 年二十二而寡遺腹子業農甚孝

成氏吳執中妻 撫七

月孤



朱氏汪仕禹妻

邢氏袁日近妻 旌

袁氏邢道悌妻

俞氏吳淑妻

白氏王毓秀妻

闕氏葉錫祚妻 年二十一寡子冠廩貢生經書俱庠生

屠氏林立初妻 年二十五而寡守節三十年

孫氏項大亮妻 年二十二而寡九十三歲卒

戴氏詹旋吉妻 年二十一而寡守節四十餘年

李氏馮克章妻 年二十五而寡遺腹生子名之魁舅姑欲其改嫁不從遂以餓死

上元縣志

卷二十五

列女

妻

張氏曾珩妻祖姑薛氏姑馬氏俱以節著

吳氏陳某妻續母 年二十四而寡守節三十餘年

金氏唐虞盛妻 年二十四而寡守節五十年

葉氏朱齊先妻 歸朱六月而朱卒遺腹生子守節三十二年

武氏張頴妻 年十九而寡守節五十餘年

婁氏張偉妻 年二十四而寡守節三十五年

葉氏吳某妻 年十七而寡生遺腹子名自龍守節至七十九歲

陳氏王曰燦妻

烈婦某氏庠生何允妻 一作烈婦劉氏何允思妻說不知孰是故俱存之

王氏舉人蕭繼芄妻 年二十而寡守節四十年



張氏庠生焦鎮妻年二十七而寡撫孤苦節五十一

李氏林九瞻妻年二十三而寡守志養舅姑年餘今六十五歲

董氏貢生焦周沛繼妻年三十而寡無子苦節四十五年

譚氏周立禮妻年十九而寡苦節三十餘年

金氏陶懷信妻年三十餘年苦節三十餘年

魏氏王國志妻年二十八而寡守節四十八年子有綸府經歷

范氏洪邦坦妻年二十三而寡守志三十一卒於外守志三十一

朱氏鮑聯芳妻年二十三而寡無子以姪天倫為嗣

朱氏顧上眷妻年二十三而寡

葉氏夫失名年二十七守節壽七十九而卒

上元縣志 卷二十五 列女 五

何氏盧光靈妻年二十七而寡撫三歲孤佩中戊子科武鄉試

陳氏舉人李漪妻年二十九而寡子芳庠生茂太學生守節至八十歲終

王氏庠生顧清妻年二十九而寡撫子楫庠生

汪氏鮑立紀妻年二十四而寡撫子七十七歲終

凌氏任雨妻年十九而寡養舅姑撫女成立至五十七歲

張氏徐廷坦妻年二十一而寡

張氏易昌裔妻年二十四而寡撫一週子守節至七十四歲

胡氏易昌箕妻年二十九而寡撫孤守節至七十七終次子裕丙子舉人

汪普氏夫卒歸汪守節歷數十年

王氏龐遂妻立至五十年撫子文基成



壽氏楊世蕃妻

年二十六而寡無子撫一女

朱氏吳人龍妻

長病卒守節三十餘歲

黃氏庠生韓平妻

年二十七而寡七十

田氏何玉潤妻

年二十三而寡一子少傷

朱氏太學生林其新妻

撫遺腹女守節

李氏鄧璫妻

年二十八而寡

方氏沈雄妻

無子自二十七歲

杜氏趙雲鸞妻

年二十九而寡事姑楊盡孝撫二

汪氏程楷妻

李氏方立標繼妻

子文燦甫二歲

上元縣志

卷二十五

列女

美

楊氏庠生蕭騏妻

年二十而寡無

張氏李子賢妻

年二十七而寡

沈氏李康生妻

年二十八而寡守節至六

胡氏朱某妻

年二十八而寡無子

余氏張夢祥妻

朱氏司空顧東橋裔孫天榮妻

年二十二而寡無

錢氏陳玉良母

年二十二而寡

張氏徐公執妻

年二十八而寡

陳氏劉德新妻

賈氏周郁妻

年十八而寡無子



徐氏中山王裔孫女倪國雄妻年二十四而寡

陳氏舉人錢嘉選妻年二十八而寡守節四十二年

經氏時君開妻年二十九而寡守志奉姑三十五年

李氏曹嘉德妻年二十八而寡守節三十年

陳氏夏正公妻

林氏李順妻順卒守喪三年服闋餓死

烈婦王氏周維正妻

袁氏馮聖銓妻

靳氏蔣國機妻

許氏貢生劉籽萊妻二十六歲寡苦節三十一年

上元縣志

卷二十五 列女

堯

馮氏李某妻

李氏江山令田之璋妻二十八而寡壽九十子鼎庠生

詹氏周允樸繼妻年十六而寡卒五十歲

徐氏錢綸章妻年二十而寡守節三十年

陳氏趙漢臣妻年二十四而寡

李氏太學生韋德茂妻奉七旬孀姑撫幼子守志終身

褚氏洪毓生妻適洪九十六日而寡茹素守志終身

趙氏王彭年妻養舅姑盡孝

林氏俞麟繼妻撫子躡鯨躍時守節一

陶氏談明寰妻女感母志亦誓死不

養舅姑撫遺腹子鳴岐成立



曹氏金兆先妻無子守節六十六歲

姜氏守備凌芝陽妻守志五十年妾吳氏共守子漢襲世職

郭氏霍翰妻二十三歲而寡姑葉氏俱苦節

孫氏孫可章繼妻章沒生遺腹子名瑛守節三十四年

方氏鮑夢虎妻守節四十二而寡

黃氏俞崑源妻亦卒事九十舅盡孝

李氏何登鳳妻無依苦節至八十二歲

張氏國學李華妻無子

王氏蔡雲妻二十五歲苦節三十餘年

黎氏孫夢周妻撫兩子成立年七十六

上元縣志 卷二十五 列女 李

金氏李自重繼妻歸李一年而寡撫兩子白首完真鄉人重之

歐陽氏楊起旭妻寡奉姑以孝

王氏庠生路門妻封股療姑後沒

陳氏孫天鵬妻鵬死于閩氏時年二十九撫孤楷守節楷至閩負父骨歸人稱孝子

經氏陳某妻

張氏王禹臣妻節三十一歲苦

張氏洪範肅妻年二十四而寡撫孤承

余氏黃子裕妻十九歲歸黃姑病封股救之至二十三歲而寡今守節四十一

唐氏鄭姬輔妻以勤苦持家閨三十餘年

王氏簡文進妻歷二十六而寡



鄭氏嚴鴻漸妻

年未三十而寡守節至六十歲

王氏吳質先妻

年二十三而寡撫兩月孤大經成立

陸氏朱元妻

年三十而寡守節三十餘年

徐氏項仁宇妻

年二十守節至八十七而終媳潘氏亦少寡苦節

程氏劉慕泉妻

年十九而寡守節至八十八卒

朱氏吳裕中妻

二十七歲而寡撫九歲孤永六歲孤淵成立以苦節稱

王氏庠生汪用極妻

年二十八而寡至六十疾終

陳氏洪良佐妻

二十五歲而寡無子撫幼女守節今六十三歲

趙氏舉人王瑀孫符妻

二十一歲而寡遺腹生子撫之成人守節三十七年

潘氏之騏女

母死誓志養父終身不字

上元縣志

卷二十五

列女

空

趙氏吳溥妻

年十八而寡撫四十年孤守節三十六年

孫氏賀冠妻

二十四歲夫沒事翁姑孝撫嗣子全慶能成立苦節歷三十七年

任氏童大京妻

二十七歲而寡守節四十年

范氏張元貞妻

二十九歲而寡守節三十年

楊氏詹以言妻

二十四歲而寡奉姑訓子守節三十七年

謝氏方振愚妻

年二十二而寡今六十九歲

謝氏馮進妻

年二十四而寡今六十四歲

顏氏趙承胤妻

二十一而寡子國璋方五月苦節五十餘年孫家錦孤亦撫之成立

葛氏常克弭妾

今七十歲

趙王氏

苦節無子壽七十六歲



白氏朱文燦妻

年二十一而寡守節四十年

張氏蕭文燿妻

年十九而寡無子苦節

李氏周禧公妻

二十一而寡

張氏李文龍妻

十六歲而寡與妾葉氏同守年俱七十餘年

焦氏劉子磐妻

二十五歲而寡守節三十餘年

陳氏庠生劉時舒妻

割股療姑

王氏孟志弑妻

二十九歲而寡與妯娌倪氏相依苦守待旌

孫氏楊德滋妻

滕氏張正三妻

陶氏王銓妻

張氏呂雋公妻

王氏曾省予妻

劉氏生員夏之玉妻

上元縣志

卷二十五

列女

空

林氏李順妻

倪氏文庠徐婉妻

羅氏通判郭景巒妻

王氏沈邦彥妻

楊氏陳之瑄妻

包氏熊孟鵬妻

姜氏錢景祥妻

徐氏州同知羅興濂妻

王氏文林郎蔡雲程妻

吳氏張玉貴妻

葉氏裴承祖妻

吳氏沈天長妻

普氏江錦妻

蔡氏生員李林妻

陳氏監生解自書妻

李氏張國正妻

吳氏馮佐妻

金氏張宏矩妻

王氏范文良妻

馮氏張國祥妻



魏氏徐應標妻

江氏汪廷弼妻

張氏謝瑩妻

王氏張有緒妻

謝氏馮進妻

李氏童維新妻側室

朱氏沈尊一妻

王氏宓行正妻

馬氏談自新妻

朱氏賈正方妻

李氏州同知鄧璫妻

普氏潘朝恩妻

高氏文庠畢大章妻

林氏張正芳妻

路氏夏文英妻

趙氏監生王寤妻

劉氏龔尚義妻

張氏許子先妻

高氏程雲從妻

汪氏王子尚妻

上元縣志

卷二十五

列女

奎

周氏朱國丞妻

徐氏孫道成妻

劉氏方瑤次妻

姚氏徐漢良妻

余氏王志燦妻

王氏陸嗣曾妻

蕭氏郎璜妻

鄒氏袁楷妻

王氏卞圖南側室

朱氏佟國勳妻

孫氏焦成德妻

梁氏簡璦妻

樂氏潘起鳳妻

孫氏呂源妻

余氏程世堦妻

夏氏劉啓邈妻

劉氏張益陽妻

李氏文庠孫學禮妻

徐氏江良機妻

王氏孫振乾妻



葛氏陶永學妻

汪氏文庠叢蕃妻

楊氏文庠紀學山妻

秦氏吳佩朝妻

張氏呂千士妻

朱氏監生林有顯妻

陶氏王兆昌妻

陳氏李春龍妻

陳氏監生王廷俊妻

王氏陳致廣妻

馬氏王君和妻

張氏王惟翰妻

張氏葉培妻

倪氏袁公弼妻

武氏文庠蔡祖修妻

周氏王盛忠妻

董氏吳惟肖妻

竇氏方印鑾妻

唐氏王家珍妻

陳氏曹天賢妻

上元縣志

卷二十五

列女

畚

俞氏蔣昌祖妻

林氏文庠武治妻

陶氏王諫忠妻

張氏蔣燿妻

裴氏生員張大綬妻

林氏武泗妻

葛氏魏甫璣妻

邱氏紀坤妻

劉氏儒童吳任庚妻

馬氏王良生妻

馬氏生員會融妻

吳氏儒童章景齡妻

薛氏王廷相妻

夏氏劉上國妻

李氏吳瑛妻

戴氏鄒敬妻

葛氏陶永學妻

陳氏守修何文環妻

趙氏詹自美妻

吳氏諸世蕃妻



宋氏生員徐浩妻

王氏冷星雯妻

王氏儒童許永吉妻

王氏程崧妻

李氏曹登俊妻

汪氏生員許觀妻

郭氏陳秉廉妻

烈婦慎氏葉長隆妻

貞女李氏孔興復妻年二十聞興復訃卽絕粒不欲生家人勸之弗止誓必欲謁靈守貞爲未亡人家  
人見其志堅不可回卽借親族送至孔門迄今數十餘年如一日焉

吳貞度聘馮氏貞度客京師病故氏依兄紡績自給苦志守貞至今三十三年待旌

上元縣志

卷二十五

列女

奎

吳光斗妻項氏適光斗三載夫歿無子苦節三十載待旌

執鞭者女許字同里更夫子俱失其姓名更夫子忽病歿女聞訃以死誓後父議改字女不應父強之女請祭更夫子之墓乃許父從之旣至哭甚哀禮畢旋自刃以死與更夫子合葬焉

呂氏徵仕郎黃叔瑛妻瑛字芝圃大興貢生贅於呂生元鐸兄弟遂家金陵氏性仁厚有容嘗脫簪珥爲餬口計得百餘金有僞鬻田者受直去比收租則烏有瑛歸控於官勒追值歲時疫作氏恐其



疫於獄白瑛得半直遽釋之元鐸癸卯成進士官庶常

顧氏孫謀妻年二十六夫亡守志三十年

趙氏生員聶政達妻年二十八夫亡守志三十年

周氏羅德麟妻二十五歲而寡家極貧子椿甫二齡撫之成立三十餘年悴色粗衣未嘗嬉笑

劉氏進士劉思敬女刲股以愈母疾

沙氏舉人董榮妻夫亡守貞四十餘年子其成早亡妻劉氏年二十五歲守節至七十四歲而終側室

劉氏年十八歲守節現年七十七歲孫國寧妻王

上元縣志

卷二十五

列女

奕

氏事姑孝年二十五歲守節現年五十七歲

翁氏陳元瑞妻年二十四歲守節現今五十餘歲

吳氏儒童鄭姬護妻年十七于歸僅五閱月而護卒

無子以從兄爲楫子滋爲嗣未及成立又卒氏茹荼苦守熒熒一室就養爲楫數十年曾無間言親

族屢欲爲氏請旌氏曰婦人守志自分內事何用

旌爲今現年七十一歲

沈氏徐嘉良妻嘉良卒時氏年廿七守節廿九年子

二長世傑任慈谿縣尉次世璠克自成立

安氏王士璋妻夫早卒氏冰霜自矢苦節四十六年歿



葉氏周文侯妻年廿七文侯沒氏誓欲身殉因撫孤  
大義爲未亡人苦節十餘年卒

蔡氏劉秉虔妻年二十七守節歷三十七年

袁氏劉國瑞妻守節三十四年五十七歲卒

周氏劉秀升妻二十七歲寡媳鄧氏庠生康錫妻二  
十一歲寡兩世孀守有雙傳行世

章氏劉容朴聘妻朴有惡疾氏父天祚欲改字氏堅  
志待年於家朴卒歸劉柏舟不渝今年已五十矣  
鄉里稱爲苦節

聞氏孝廉聞愷文學聞憲之姑年十八歲適儒童王

上元縣志

卷二十五

列女

七

輻爲繼妻甫五月輻歿無子矢志守貞却脂粉親  
搽井臼孝事翁姑三十六載如一日立姪光岳爲  
子撫之成立歷今六十四歲乾隆元年旌

施氏王霖書妻二十六歲霖書疾卒無嗣姑又無次  
子氏悲痛不忍舍姑而死乃以族子入繼旋天復  
立一子率之以敦孝養脩歷艱辛兩世孤孀相慰  
相憐閭里欽之

張氏徐天仁妻年二十九歲而寡事翁姑惟謹延師  
訓子芝芳入太學歷今七十歲

孟氏顧恂妻守節四十年



劉氏杜鴻升妻侍姑疾盡瘁姑卒泣血死里閨稱爲  
孝婦

田氏郡庠唐維竝妻年廿四竝沒氏誓不欲生投繯  
者再家人察之獲免後事翁姑極孝翁卒奉孀姑  
左右委蛇克盡婦職垂數十餘年鄉里咸稱節孝  
焉

陳氏童勲妻守節二十一年長子增

周氏殷胤榮妻孝事舅姑順承夫志凡親族有窮乏  
者不惜罄囊調之生子志卯甫十歲胤榮卽棄世  
苦節自甘以勤儉教子俾克成立

上元縣志

卷二十五

列女

矣

宋氏吳掄世妻年二十二歸吳越一載而夫亡氏矢  
志米霜以十指養翁姑及翁姑相繼歿拮据殯葬  
苦節三十年

王氏司農端簡公曾孫女雲南司子玠孫女趙州牧  
世溥女粵東連州牧熊士望繼妻士望卒時氏年  
廿矢志守節親操家政嚴而有法撫遺孤四楫梓  
楸祀督課教以勤儉有古敬美風焉

倪氏劉鶴妻鶴恒遊四方家有孀母悉賴氏代子職  
供甘旨鶴遂無內顧憂焉死之日鄉里賢聲嘖嘖  
士夫感哀而爲傳銘



嚴氏橋田妹也年二十爲張鵬遠妻越五載鵬遠卒無嗣氏紡績奉舅姑者十一年舅姑歿殯葬後歸兄橋田家又十五年卒

楊氏芮秉理妾理卒氏一慟而殞鄉里義之

孫氏張九鼎妻年十七適孫二十五夫故遺腹生男應科讀書日立祖姑壽九十晨昏盡孝未嘗一日離於側

周氏張猓妻年十七適張以不及事翁爲憾侍孀姑極盡孝養值家道中落每有匱乏卽默爲籌畫絕不煩夫經理課子讀書常夜分不寐生二十五長璿

上元縣志

卷三十五

列女

堯

字衡璣補邑弟子員有文譽

淑媛

何氏高爵妻爵懋遷襄漢何氏以婦代子職事舅姑備極甘旨姑中歲失明舅仁甫垂老身偏枯朝暮易席褥抱持上下七載大伯夫婦移居欲迎奉養氏泣涕攀留又經三載舅姑相繼沒棺歛臨壙哀動族人子五少子官蔭以氏病割股遂墮其生仲子官佑善行爲當世所欽

郝氏黃一鳴妻早寡苦節三十年子怡祖丙辰舉人  
孫家駿邑廩生

陳氏蘇如轍妻生而端淑及笄歸如轍事舅姑以孝



聞年二十九如轍卒氏痛不欲生因遺孤無托乃矢志冰擦教子以底於成苦節五十二年壽今八

十一

凌氏王三錫妻江寧邑庠家貧早寡苦節三十六年

吳氏普天慶妻年二十四矢節五十餘年

王氏張自孔妻苦節五十年壽八十有三媳劉氏有

琳妻亦早寡苦節三十年

潘氏金上三妻年十八寡子麟甫七歲氏矢志苦節

教子克家署松貞冰擦四字表之

陳氏于兆符妻年十七天卒遺孤八月舅如年皆古

上元縣志

卷二十五

列女

七

稀氏仰事俯育其道

聶氏楊慈妻年十七歸慈三載夫卒遺一女甫七月

氏矢節終身



